

Na osnovu člana 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“, broj: 7/10) i člana 100. stav (1) i (5) Zakona o javnim nabavkama ("Službeni glasnik BiH" br: 39/14), Vlada Zeničko-dobojskog kantona, kao ugovorni organ, na 32. sjednici, održanoj 29.10.2015. godine, d o n o s i

ZAKLJUČAK

o izjašnjenju ugovornog organa na navode iz Žalbe

Član 1.

(Izjašnjenje ugovornog organa na navode iz Žalbe)

(1) Vlada Zeničko-dobojskog kantona, kao ugovorni organ, utvrđuje da je Žalba Žalitelja - **Konzorcija – grupe banaka koju čine: Sberbank BH dd Sarajevo**, Fra Anđela Zvizdovića 1., 71000 Sarajevo – nosilac Konzorcija banaka, **Union banka dd Sarajevo**, Dubrovačka 6., 71000 Sarajevo – član Konzorcija banaka i **Moja banka dd Sarajevo**, Trg međunarodnog prijateljstva 25., 71000 Sarajevo – član Konzorcija banaka, izjavljena protiv Odluke Vlade Zeničko-dobojskog kantona o odbacivanju ponude i poništenju postupka javne nabavke za LOT-2, otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2015. godini, broj: 02-14-18470/15 od 09.10.2015. godine: blagovremena, dopuštena i izjavljena od strane ovlaštenog lica.

(2) Konstatuje se da je Žalba dostavljena u samo jednom primjerku, odnosno da nije dostavljena „u dovoljnom broju primjeraka, a koji ne može biti manji od tri...“, u skladu sa članom 99. stav (2) Zakona o javnim nabavkama.

(3) Vlada Zeničko-dobojskog kantona, kao ugovorni organ izjašnjava se na navode Žalbe i utvrđuje da je ista neosnovana, iz razloga što ponuđač nije blagovremeno (u roku od 5 dana od dana zaprimanja obavještenja o rezultatima postupka nabavke), dostavio sve tražene i validne dokaze koji su morali sadržavati potvrdu da je u momentu predaje ponude svaki član Konzorcija - grupe banaka ispunjavao uslove koji se traže tenderskom dokumentacijom i članom 45. Zakona o javnim nabavkama, odnosno Moja banka dd Sarajevo – član Konzorcija banaka, u ostavljenom roku od 5 dana kao dokaz o ispunjavanju uslova iz člana 45. stav (1) tač. a) do d) Zakona o javnim nabavkama dostavila je Uvjerenje Porezne uprave Federacije BiH, Kantonalni porezni ured Sarajevo, Porezna ispostava Novi Grad, broj: 13-9/4-15-4-2700 od 10.07.2015. godine, u kojoj je između ostalog navedeno da: „MOJA BANKA“ D.D. SARAJEVO, na dan 10.07.2015. godine, prema poreznoj evidenciji ... IMA duga po osnovu javnih prihoda i iznosi 113,79 KM.“.

Član 2.

(Dostava Zaključka)

Ugovorni organ će putem Službe za zajedničke poslove ovaj Zaključak, zajedno sa Žalbom i kompletnom dokumentacijom u vezi sa postupkom protiv kojeg je izjavljena žalba, proslijediti Uredu za razmatranje žalbi Bosne i Hercegovine, najkasnije u roku od pet dana od dana datuma zaprimanja žalbe, u skladu sa članom 100. stav (5) Zakona o javnim nabavkama.

Član 3.
(Stupanje na snagu)

Ovaj zaključak stupa na snagu danom donošenja.

Broj: 02-_____/15.

Datum, 29.10.2015. godine

Zenica

PREMIJER

Miralem Galijašević

DOSTAVLJENO:

- 1x Naslovu, putem Službe za zajedničke poslove
- 1x Ured za razmatranje žalbi Bosne i Hercegovine,
putem Službe za zajedničke poslove
- 1x Stručna služba vlade,
- 1x Služba za zajedničke poslove,
- 1x Ministarstvo finansija,
- 1x Komisija,
- 1x a/a.